

SCRIPTA

Numéro Scripta : 4224

Auteur(s) : Guillaume de Saint-Jean [particulier]

Bénéficiaire(s) : La Lucerne-d'Outremer, Sainte-Trinité de La Lucerne (abbaye)

Genre d'acte : charte

Authenticité : non suspect

Datation : 1162

Action juridique : donation

Langue du texte : latin

Analyse

Guillaume de Saint-Jean, son frère Robert et sa femme Oliva donnent à l'église et aux chanoines réguliers de Sainte-Trinité de La Lucerne la terre où l'abbaye est fondée et l'église Saint-Jean avec d'autres biens.

Tableau de la tradition

Éditions principales

a. Dubosc François, *Cartulaire de la Manche*, abbaye de la Luzerne, abbaye de Mont-Morel, prieuré de la Perrine, Saint-Lô, Jacqueline fils (Archives départementales de la Manche), 1878, Luzerne, n° VI, p. 4-6.

Texte établi d'après a

Noscant omnes tam futuri quam presentes quod omnipotentis Dei instinctu et domini Hugonis Rothomagensis archiepiscopi et venerabilium episcoporum Achardi Abrincensis et Ricardi Constantiensis consilio, assensu etiam Henrici regis Anglorum, ducis Normannie et Aquitanie et comitis Andegavensis, Ego Willelmus de Sancto Johanne et Robertus frater meus, et Oliva uxor mea, pro remissione peccatorum nostrorum et antecessorum et successorum nostrorum, dedimus Deo et ecclesie Sancte Trinitatis de Lucerna et canonicis regularibus ibidem Deo servientibus terram in qua fundata est abbatia, eam scilicet que est inter primum vivarium ipsorum et nemus et Thar et Tharnet, et ecclesiam de Sancto Johanne cum omnibus pertinentiis suis ; ita tamen ut per duos presbiteros serviatur, sive de religione, sive de seculo, in voluntate abbatis et canonicorum ; et vineam juxta ecclesiam, et masuram Girardi, et masuram Hugonis Le Blanc, et unum pratum juxta pratum Giraldi de Cuiron ; — pratum et due mesure non faciunt tres acras terre. — Et masuram Radulfi Le Sor, et XV quarterios frumenti in molendinis de Sancto Johanne, qui singulis annis prius reddentur ; et pro decima redditus nummorum nostrorum XIII solidos Cenomannensium in prefectura de Sancto Johanne. Et IX solidos Cenomannensium de prato de Wauterot. De his XXIII solidis decem erunt ad luminare ecclesie de Sancto Johanne, et novem de Wauterot ad unam lampadem que ardebit per diem et noctem coram altari beate virginis Marie in eadem ecclesia. Et IV solidos qui remanent habebunt canonici. Dedimus etiam prefatis canonicis apud La Lande VI solidos, et apud Angeium VIII solidos ad festum Sancti Michaelis et I quarterium et dimidium avene et decimam molte et ibidem decimam redditus Andree de Rochella, et decimam gallinarum de Sancto Johanne et sedem unius piscarie ad mare, et totam decimam omnium piscariarum et sepiarum de batellis, et decem acras terre ad Sanctum Ursinum, et universam terram que est inter Thar et Tharnesiam usque ad terram Sancti Ursini, que erat de feodo Sancti Michaelis de Monte, excepta medietate cujusdam vallis quam ad boscum nutriendum canonici sibi et monachis conservare debent. Pro hac autem terra dedimus monachis in excambio feodum Alani de Buceio, in quo sedet dimidia ecclesia et dimidium cimiterium Buceii, unde nobis X solidos Andegavensium et servicium equi persolvebat. Et feodum Rogeri filii Hugonis in Pomaria, unde II quarterios frumenti et dimidium ad magnam mensuram nobis reddebat. Dedimus adhuc predictae abbatis decimam redditus terre Willelmi de Braeio de Domno Johanne, et duas garbas decime terre Cornart ad

Pomariam. Dedimus et ecclesiam de Rochella cum omnibus pertinentiis suis, concedente Rogero Paupere qui in eadem ecclesia presentationem habebat, pro qua presentatione dedimus ei ad Luoth masuram Hugonis Allium in bursa, et masuram Lamberti. Dedimus et ecclesiam de Angeio, cum pertinentiis suis. Dedimus et in Grimovilla duas garbas decime de tota terra nostra, excepto hoc quod monachi de Moretonio in eadem decima habent. Et unam masuram duarum acrarum et decimam redditus terre Rosselli, et decimam redditus terre et hominum de Brikeneio et molendini, et decimam redditus terre quam Willelmus de Verduno tenet de nobis ad Boillun. Et in Torrevilla dimidiam ecclesiam et circa ecclesiam tres virgatas terre, octo perticas minus, et unam masuram quatuor acrarum et dimidie virgate. Ad Montcatun unam masuram duarum acrarum, et in piscaria quicquid capietur in ea, unaquaque quarta feria, ab ortu solis usque in sequentem diem eadem hora. Et in Heenvilla totam decimam ferie et piscarie. Et sciendum quod nullus piscis vendetur, sed omnes in conventu comedentur. Dedimus et in Constantiis totam terram a masura Rogeri Burnel usque ad terram de Templo, sicut divise monstrant, exceptis terris Odonis de Ponte et Rogeri Gareth, et totum feodum Gisleberti filii Petri. Hanc terram et homines in ea manentes dedimus omnino solutos et quietos, excepto opere de beodo molendini. Et in molendino ipso X quarterios frumenti qui singulis annis prius reddentur. Ex alia autem parte ville dedimus totam terram quam emimus a Ricardo de Sancto Georgio, sed postea ipsam excambiavimus et in excambium dedimus masuram duarum acrarum in Grimovilla et masuram II acrarum in Montcatun et masuram IIII acrarum et dimidie virgate in Torevilla, quas supra diximus. Dedimus et in Anglia terciam partem manerii de Mundreham cum omnibus pertinentiis suis, pro excambio decime redditus ejusdem manerii et de Berneham et de Wauburguone. Hec autem omnia dedimus predicte abbacie in perpetuam elemosinam omnino libera et quieta, sicut decet elemosinam, partim pro excambio decime reddituum nostrorum quam prius reddebamus, partim in augmento, pro salute nostra et antecessorum et successorum et heredum nostrorum, et, ut rata permaneant, sigilli nostri impressione firmavimus. Actum est hoc anno ab incarnatione Domini MCLXII, his attestantibus : Willelmo Abrincensi archidiacono, Ricardo Constantiensi archidiacono, Ricardo de Haia, Radulfo de Haia, Reinaldo capellano, Ricardo capellano, Willelmo de Oireval, Ricardo filio ejus, Rogero de Sancto Johanne, Willelmo de Filgeriis, Willelmo de Braeio, Gisleberto de Campellis, Thoma de Sancto Pancraccio, Hugone filio ejus, Roberto et Willelmo de Veim, Philippo et Willelmo de Lisiaus, duobus Rogeris de Rochella, Radulfo de Fornellis, Rogero de Ikelun et aliis multis.